

Na osnovu člana 24. Statuta Općine Hadžići („Službene novine Kantona Sarajevo“ broj: 15/09, 17/12, 10/13 i 14/13-ispravka), Općinsko vijeće Hadžići na 12. sjednici održanoj dana 26.12.2013 godine donosi

O D L U K U

O izmjenama i dopunama Poslovnika Općinskog vijeća Hadžići

Član 1.

Ovom Odlukom vrše se izmjene i dopune Poslovnika Općinskog vijeća Hadžići broj: 01-01-2-1892/09 („Službene novine Kantona Sarajevo“ broj:15/09).

Član 2.

U preambuli iza zagrade brisati riječi „, i člana 32. Statuta općine Hadžići - Prečišćeni tekst ("Službene novine Kantona Sarajevo", broj 29/05)“, a umjesto toga da stoji:

„,i člana 24. Statuta Općine Hadžići („Službene novine Kantona Sarajevo“ broj: 15/09,17/12,10/13,14/13-ispravka) „,

Član 3.

Član 1. mijenja se i glasi:

„Ovim Poslovníkom regulira se rad i organizacija Općinskog vijeća (u daljnjem tekstu: Vijeće), a naročito:

- 1.Ostvarivanje prava i dužnosti vijećnika
- 2.Klubovi vijećnika
- 3.Organizacija i način rada vijeća
- 4.Radna tijela vijeća
- 5.Način rada vijeća
- 6.Akti vijeća
7. Izbor, imenovanja i razrješenja
8. Odnosi vijeća i općinskog načelnika
9. Odnos vijeća prema političkim strankama i udruženjima građana
- 10.Javnost u radu vijeća
- 11.Ostvarivanje saradnje sa zakonodavnim tijelima Kantona Sarajevo, Federacije BiH i Bosne i Hercegovine
- 12.Rad vijeća u vrijeme vanrednih okolnosti, ratnog stanja ili u slučaju neposredne

ratne opasnosti
13.Prelazne i završne odredbe
14.Druga pitanja iz nadležnosti vijeća“

Član 4.

Član 2. mijenja se i glasi:

„Mandat vijećnika traje četiri godine i teče od dana objavljivanja rezultata izbora u Službenom glasniku BiH, a može prestati samo u zakonom propisanim slučajevima. „

Član 5.

Iza člana 4. dodaje se novi član 4a. koji glasi:

„Član 4a.

Vijećnik ima pravo na novčanu naknadu utvrđenu posebnom odlukom i odgovarajuće socijalno (zdravstveno i penziono) osiguranje ako isto ne ostvaruje po drugom osnovu.

Prava vijećnika iz prethodnog stava teku počev od mjeseca u kojem je konstituisano Općinsko vijeće, a završavaju prestankom mandata zaključno sa mjesecom u kojem su objavljeni rezultati izbora u službenim glasilima.“

Član 6.

U članu 10. stav 1. alineja 3. zarez se briše i dodaju riječi:

„i pokretati inicijative“

Član 7.

U članu 17. riječi „o izvršavanju budžeta općine“ brišu se .

Član 8.

U članu 34. brišu se riječi „čiji broj zavisi od broja političkih stranaka zastupljenih u Vijeću“, a umjesto njih treba da stoji:

„Čiji broj je jednak broju političkih subjekata zastupljenih u Općinskom vijeću.“

Član 9.

U članu 35. stav 2. alineja 5. briše se riječ „mladi“.

Član 10.

U članu 41. stav 1. iza alineje 2. dodaje se tekst:

„predlaže koeficijent za obračun plaće općinskim funkcionerima“

Član 11.

U članu 86. stav 1. iza riječi „donosi“ dodaju se riječi:

„ Statut, Poslovnik o radu Općinskog vijeća, Budžet i Izvještaj o izvršenju budžeta“

U stavu 2. na kraju teksta briše se tačka, stavlja zarez i dodaju riječi:

“ a kada su za to posebno ovlaštena donose i rješenja. “

Član 12.

U članu 87. iza riječi“ kao akt izvršenja zakona“ brisati slovo „i“, a umjesto njega staviti zarez i na kraju teksta brisati tačku, a umjesto nje staviti slovo „i“ i dodati riječi „kao akt davanja saglasnosti kada je davanje saglasnosti predviđeno zakonom .“

Član 13.

Iza člana 112. dodaje se član 112a. koji glasi:

„ Član 112a.

„Općinski načelnik je ovlašten predlagati odluku i drugih akata koji se tiču rada javnih ustanova i javnih preduzeća iz nadležnosti općine osim izvještaja o radu koji organi upravljanja direktno dostavljaju Općinskom vijeću.“

Član 14.

Iza člana 161. dodaje se novi član 161a. koji glasi:

„Član 161a.

Vijećnik ima pravo pokretati inicijativu u pisanoj formi na sjednici Općinskog vijeća uz obrazloženje.

Ukoliko inicijativa zahtijeva finansijska sredstva predlagatelj inicijative je dužan predložiti model finansiranja.

Vijećničke inicijative čiji sadržaj zahtijeva šira sagledavanja sa aspekta finansijskih sredstava, konsultaciju organa višeg nivoa vlasti i proučavanje relevantnih propisa , prije izjašnjavanja Općinskog vijeća, a radi prethodne ocjene dostavljaju se Općinskom načelniku koji je dužan o njoj se izjasniti do prve naredne sjednice Općinskog vijeća na kojoj će se vijećnici izjasniti o prihvatanju ili neprihvatanju inicijative natpolovičnom većinom.

O realizaciji prihvaćene inicijative Općinsko vijeće će biti pravovremeno informisano.“

Član 15.

Iza člana 179. dodaje se novi član 179a. koji glasi:

„Član 179a.

Postupak za izmjenu i dopunu Poslovnika Općinskog vijeća počinje inicijativom koju u pisanom obliku i obrazloženu mogu Općinskom vijeću dostaviti svaki vijećnik, klub vijećnika, radna tijela Vijeća i Općinski načelnik.

Općinsko vijeće zaključkom prihvati ili odbija inicijativu.

Ukoliko Općinsko vijeće zaključkom prihvati inicijativu zadužuje Komisiju za Statut i propise za pokretanje postupka izmjene i dopune Poslovnika koji obuhvata donošenje odluke o pristupanju izmjenama i dopunama Poslovnika, utvrđivanje nacрта i konačno prijedloga odluke o izmjenama i dopunama poslovnika.“

Član 16.

Komisija za Statut i propise sačinit će prečišćeni tekst Poslovnika Općinskog vijeća Hadžići.

Član 17.

Ova Odluka stupa na snagu danom objavljivanja u Službenim novinama Kantona Sarajevo.

Broj:01-01-2-10796/2013
Hadžići: 26.12.2013. godina

Predsjedavajući
Općinskog vijeća Hadžići

Adnan Proha